

Lago a otorgá seis beca

Pa e aña escolar 1983-'84, Lago a otorgá seis beca. Cuatro di esnan cu a ricibi un beca tabata estudiante di VWO, un di HAVO y un ya tabata atendé College.

Foto ariba di robez pa drechi:

William van Veen, Business and Management, University of Pennsylvania; Marciano Angela, Electrical Engineering, Mitchell College; Richard Frank, Chemical Engineering, Worcester Polytechnic Institute; Richard Willems, Mechanical Engineering, Clemson University; David Kock, Chemical Engineering, Stevens Institute of Technology; y no ariba foto, Arthur Bowers, Mechanical Engineering, Stevens Institute of Technology.

Foto abao: Richard Frank y David Kock den compania di nan pariente ta firmando e contract den presencia di George Nicholson, Marciano Angela y Carlos de Cuba di Lago Scholarship Foundation.



Plan Medico . . .

(cont. di pag. 1)

- P.** *Tur pensionista "bona fide" cu ta cai bao di e Plan di 1948 por participa den e Plan Pa Cuido Medico pa Pensionistanan?*
- C.** Sí, nan por participá.
- P.** *Considerando e cantidad grandi di empleadonan envolvi, pakiko e Plan no por cubri 100 dia den hospital?*
- C.** E 30 dianan cu a wordo estableci ta demostrá di ta adecuado den majoria di e casonan. Si experiencia ta proba cu esaki no ta asina, por tin un base pa cambio den futuro.
- P.** *Suponé cu un pensionista, su casá y su jiunan ta cubri, nan lo ta cubri pa 30 dia hunto of 30 dia cada uno?*
- C.** E 30 dia den hospital ta conta pa cada persona separá.
- P.** *Despues cu e 30 dianan a pasa cuanto porciento lo wordo cubri?*
- C.** Ningun, te e siguiente aña calendario.
- P.** *Kiko ta pasa si den futuro, despues cu e programa ta den efecto, e participacion baha te bao di 75%?*
- C.** E Directiva di e Fundacion lo mester revisá e operacion di e Plan y determiná cual pasonan mester wordo tumá. Por ta posible cu ningun accion lo mester wordo tumá.
- P.** *Tratamento den exterior lo wordo restitui segun tarificanan di Aruba. Esaki tambe ta e caso si bo a bai cu pension y bo ta biba den exterior?*
- C.** Si.

- P.** *Si Lago discontinuá su operacionnan, e placa cu a wordo pagá door di empleadonan lo wordo restitui?*
- C.** Existencia di e Plan no ta basá primeramente ariba continuacion di Lago su operacionnan, pero principalmente ariba e necesidad di un Plan asina y un maneho financiero correcto. Ora cu e principio basiconan aki no ta existi mas tin un motibo pa liquidá e Plan. Den un caso asina e statuutnan ta stipulá con liquidacion lo tuma lugar.
- P.** *Mientras cu e tarificanan di hospital/specialista/dokter subi, e beneficianan lo subi?*
- C.** E beneficio di hospital ta aumentá automaticamente. Beneficio di especialista y dokter lo wordo revisá y ahustá mientras cu ta haña mas experiencia cu e Plan.
- P.** *Nos contribucion lo aumenta si e gastonan subi?*
- C.** Ta depende si tin of no tin un necesidad pa aumentá e contribucion ora cu gastonan subi, pero por wordo asumí cu contribucionnan lo mester wordo aumentá ora cu gastonan subi.
- P.** *Por favor, splica pregunta number 20 den e buki: Supone cu bin cambionan y por ehempel un Programa pa Cuido Medico Nacional wordo introduci pa gobierno?*
- C.** Loke e pregunta aki kiermen ta: kiko lo pasa cu e Plan aki si gobierno dicidi despues pa introduci un programa cu ta duna proteccion médico pa pensionistanan?
- E contesta den e caso aki ta cu nos lo mester evaluá e programa di gobierno y determiná si ainda tin un necesidad pa continuá cu e Plan pa Cuido Medico pa Pensionistanan di Lago, den su forma actual.